

Ex directora di UNOCA Lupita Gil ta clarifica

Lupita Gil ta reacciona ariba un articulo cu a sali den corant Solo di Pueblo dia 19 di januari 2016.

Titulo “Edmond Tujehut via Facebook” den cua ta para (ta cita): “Dat er een onderzoek gaande was die te maken had met onregelmatigheden die binnen UNOCA hadden plaatsgevonden ‘die het vertrek van Lupita Gil betekende’ (Een opheldering wat het resultaat van het onderzoek is, is gewenst)”. Saliendo for di e punto di bista cu tin mal comprension y pa clarifica y pone punto final na capitulo UNOCA den mi vida, mi persona siguiientemente ta atende e parti di articulo den cua mi nomber ta menciona. Mi persona, Lupita Gil, a traha pa 21 aña na UNOCA siendo trahado publico cu a wordo poni na disposicion

di UNOCA. Durante ful mi trayectoria na UNOCA y prome pa 10 aña na OSTICEBA no tin ningun keho contra mi persona pa irregularidad.

No ta existi un persona perfecto. Pero pa locual ta cosnan contra ley, (pa cua tin camindanan legal pa nan) mi por informa cu te mi ultimo seconde den UNOCA, mi a cumpli cu mi tareanan segun e ruta mas straight posibel. P’esey mi por sigui cana semper cu mi cara na Laura y consenshi limpi. Pa tal motibo mi ta distancia mi mes completamente di e palabra “onregelmatigheden” menciona. Pa loke ta proceso, indole y contenido di un of mas rapport traha cu ta regarda UNOCA pa midi e situacion actual y futuro, realisa pa KPMG, mi por informa lo siguiente: Ta di lamenta e fayon den comunicacion, na inicio di e “nulmeting”.

Dos invitacion manda via e-mail pa reunion di team UNOCA cu KPMG, mi no a mira pa motibo di cantidad di trabao. Esaki ta e motibo pa kico ami y mi team no a asisti. Mi persona, Lupita Gil, a pidi disculpa pa e suceso.

Despues nunca mas mi persona a wordo puntra, ni envolvi pa loke ta e contenido y trahamento di rapport. Pa tal motibo mi a y ta distancia mi mes di un of mas rapport concerni.

Respetando mi mes como hende y profesional despues di 21 aña trahando na UNOCA (di 1994 pa 2002 como coordinador di proyecto y despues pa 13 aña

eherciendo 2 funcion esta di directora y coordinador di proyecto) y sintiendo e desaroyo den ultimo lunanan den/rond UNOCA, mi por informa cu mi persona, Lupita Gil, ta esun cu a dicidi pa bay traha bek den aparato publico.

Finalizando mi ta desea di gradici e comunidad cultural di Aruba, pueblo en general y specialmente tur medio di comunicacion y cada miembro di mi famia. Sigur tambe e personanan cu boluntariamente como miembronan di directiva a traha pa adelanto di Aruba. Coleganan/ex coleganan di UNOCA/Scol di Arte cu semper a para cla pa yuda mi y sostene mi den mi trabao. Shonnan, hunto nos a logra realisa hopi bunita trabao na bienestar di desaroyo cultural di Aruba! Pabien y Hopi danki! □

